

هناء حواس

فضضة شهيد

ما بين 25 يناير حتى 30 يونيه

أشعار

الطبعة الأولى ٢٠١٧

بطاقة الكتاب

عنوان المؤلف : فضفضة شهيد
المؤلف : هناء حواس
التصنيف : أشعار
رقم الإيداع : 26170 - 2017
عدد الصفحات : 100 صفحة
رقم الإصدار الداخلي : 89
تاريخ الإصدار الداخلي : 12 / 2017 طبعة أولى
تصميم الغلاف والتنسيق : دار النيل والفرات للنشر والتوزيع

جميع حقوق الطبع والنشر محفوظة للشاعر، ولا يحق لأى دار نشر
طبع ونشر وتوزيع الكتاب الا بموافقة كتابية وموثقة من الشاعر

دار النيل والفرات للنشر والتوزيع

سجل تجارى : 13242
بطاقة ضريبية : 165-5-00031-572-01-35
رقم التسجيل : 2017-7 544-662-202
E-mail: alnile waalforat@yahoo.com
twitter: النيل والفرات
youtube: alnile waalforat@yahoo.com
facebook: alnile wa alforat
هاتف : 01011256943 - 01116202218 - 01202541192
الشرقية - العاشر من رمضان - مجاورة ١٣ - عقار ٣٠٤ - الدور الثاني - أمام سنتر ١٣



إهداء

إلى روح أبى التى تمنحنى الحياه

إلى قلب أمى الذى يسع الجميع كقلب الوطن

إلى زوجى الحبيب الذى منحنى (ذاتى)

إلى أولادى (هبه الله) ماسة القلب

(محمود) حصاد العمر

(أحمد) بهجة النفس

إلى اخوتى الأعزاء

....إلى قريتى الحبيبه محلة روح وأهلها الطيبين

....أهديكم ديوانى الأول

مهلبية محمود سعد

على بوابه 15

من مبنى التلفزيون

خطوا اسوار حديديه

بين امس وبين اليوم

وقالوا لنا هاتوا مطالبكم

مظالمكم او افكاركم

احنا هنا اهو لخدمتكم

ولخدمه المظلوم

جيتلكم من اخر الدنيا

متشحط طول اليوم

ووصلت الساعة 8

بعد ما ضاع نص اليوم
وسألت يجي كام واحد
عن مبنى التليفزيون
لما وصلت بأعجوبه
ولقيت يجي ميت انسان
الى معوق على كرسي
والى قاعد تعبان
والى من كتر همومه
شارد بعنيه سرحان
والى عنيه رايعه وجايه
على بوابه حديدية
فارقه بين يومه وبكره

وامل مربوط على فكرة

ان مشكلته تهون

على بوابه 15

من مبنى التليفزيون

فلاحه من الارياف

فى ايديها ماسكه قلمها

والتانيه عليها كفاح

وقصائد لو هتقولها

يشلوها على الاكتاف

اصلها عن مصر قالتها

عن معنى الحب فى ذاتها

عن مبادئها ومعانيها

وقضايا حلها فيها

جايباها هديه معاها

علشان حد يغنيها
ويقول فى هواها حكاوى
وانها ابدأ ما تهون
على بوابه 15

من مبنى التليفزيون
من بين قضبان البوابه
جه واحد خد مظلما
واختفى عن عينا وراح
ووعد الكل بأنه

راح تنحل ويرتاح
لما هتشوف الشاشة
على الهواء هتلاقى جناح
وتطير على اقرب واحه
هتلاقى فيها براح

واهو كل شئ بيهون
على بوابه 15
من مبنى التليفزيون
بدأ البرنامج رايق
اعلان ورا كام اعلان
والكل مأمل انه
يسمع عن نفسه كلام
لكن الاستاذ محمود
موصلوش ولا عنوان
من ميت واحد كان واقف
ادام التليفزيون
عدى اسبوع والتانى
والثالث هو الحال
ولا قالوا كلمه علينا

وورقنا مع الزبال

اهانونا بإستهترهم

وجعوننا من اهمالهم

حرقونا بنار احباطنا

ومشيننا نكلم روحنا

ونردد كده بجنون

على بوابه 15

من مبنى التليفزيون

انتحر الاول حتى

اسمك على الشاشة يكون

ويقولوا عليك مجنون

من بوابه 15

على مبنى التليفزيون

حلمنتيشى

حلمنتيشى فى حلمنتيشى
عيشى يا بلدى او ما تعيشى
راح تفرق ويانا فى ايه
هنموت يعنى

ما احنا بقلنا سنين اموات
هنعيش يعنى

عيشه ايه فى مرار وهلاك
فى دنيا بتاخذ ما بتديشى
.....حلمنتيشى

عشه صفيح وشوية

ميه جوه صفيحه
وصفيحة لقضاء الحاجة

بقاعدة مريحة
ورغيف ناشف ع

لى اطرافه شويه ملح
وعرق نازل جوه عيون

ما شفتشى الفرع وما بتبكيش
.....حلمنتيشى

بنت خدودها بلون الورد
ضفايرها مقربه من الارض
لو شافها انسى او جن
يتمناها اميره بجد
بس العوزة باعتها رخيصة
لدنيا قصورها ما بتحميمشي

قطفت ورد خدودها النادی
ورمت ضفايرها على الارض
تقدر ترجع متكملش

وتقول لعيونها ما تبكيشى ؟
.....حلمنتيشى

طفل قميصه شبابيك دايبه
مش شايله غير جلد وعضم
ماشى يلقط من هنا لقمه
ويخطف لقمه بطين الارض
مطلوب منه يكون انسان
يهتف لسعادة الاوطان
ويقول لك يا بلدنا تعيشي
لا ما تعيشي
.....حلمنتيشى

يا مصر قومی وافردي طولك

يا مصر قومی وافردي طولك
لو يجرحوكی یذلهم قولك
مهما حصل للزمن و اتغيرت احداث
هتفضلی شامخة ومثبته اصولك
الغرب شایل كنوز المال على ظهره
وانتى شىلاكى اهرامك واسطولك
عل راس الحضارة الاسم والعنوان
ومن عمق الزمن عرفك ومدلولك
يا مصر قومی وارفعی راسك
ودوسى على خاين فى يوم داسك
ما عرفش ايه حرمتك

ايه حد متراسك
يا مصر قومي واسمعي مني
انا ابنك الى غربتي جرحتي
لكن صحيت على صوت الامل لما
شبابك الغالى صرخ لا تموتى يا امى
دفنوكى فى بير فساد

وانا تايه بناديكى
يا امى فينك بنادى عليكى جوبينى
نفضتى عنك تراب الهم وندهتى
يلا تعالى خد ايدى وعدينى
مديت ايدى لايديك

ومشينا على الاشواك
لحد بر الامان يا امى احمينى
يا مصر قومي واطلبى نصرك
رب العباد كرمك وكم ذكر اسمك

ورسوله قالها وقال خير الجنود جندك
هتفضلى مؤمنه يا مصر طول عمرك
لحد يوم الدين محروسه مع اهلك

من أم شهيد

إلى أم إرهابي عنيد

أنا أم أحمد وحمدى وحسين

وجرجس ومينا ومريم وزين

أنا أم كل شهدا البلد

قوليلي انتى مين وإبنك ده مين

أنا إالى حملت وولدت

وكبر قصاى ابن عمرى

وأصبح بطل

شهيد أفخر انه إبنى أنا

قولیلی هتفتخری إنتی بمین

أنا ابنی ضحی بعمره

عشان بلاده وأرضه

و ثورة میدان

و شرعیه من شعب قال کلمته

رفض یبقى عبد لأهواء نظام

فیا أم اللى قتل فرحتی

وإغتال حبیبی ونور دنیته

وخلد دموعی علی مخدتی

و حول حنینی لحضنه أنین

قولیلی انتی مین وإبنك ده مین

وإزای سمحتی لعار الخیانه

يلوث طريقه ويصبح جحيم
وكنتي إنتى فىن لما عقلوا خرب
كانت فىن أمومتك
كانت فىن رعايتك
وكان فىن ضميرك لمله ودين
لكن فى النهايه هقولك كفايه
ان إبنى أنا مات شهيد للوطن
وإبنك صبح عار على كل دين
وإرهابى آخره انتحار للجحيم
..... لنار الجحيم

توبك بلون النهار

توبك بلون النهار
وجهك بلون القمر
نظره عيونك خضار
حضنا صحارى الالم
يا مصر عمرى بيجرى
ولسه صوتى هنا
يصرخ ومين يسمعه
غير الانيين والانا
حاولت اصرخ وانا
بصوت جهورى ونادى
ومين يساعدنى

شأيله رساله هنا
فى قلب قلبى انا
والضعف باعدنى
فقير فى افقر مكان
والفقر له فلسفه
يقيدك بالسلاسل
ومشاعرك المرهفه
تصبح جمود.. يأس قاتل
مرض ملوشى شفا
بس بحبك يا بلدي
وغصب على الجفا

مصر ليه مستهدفه

مصر ليه مستهدفه

مصر ليه مستنزفه

مصر ليه فيها الطمع

من اثارها حتى نيلها

من ترابها للذهب

الى فى غيطانها

حتى هبوا الارصفه

والارصفه مستهدفه

يعنى علشان شمسها

دافيه شويه فى الشتا
ولا علشان صيفها
بارد بس مش محتاج غطا
ولا علشان القمر سهران
على النيل كل يوم
ولا علشان القدر
اختارها فوق كل النجوم
تاج ترصده كل العيون
وتبص له مستكشفه
انها مستهدفه
مصر ليه مستهدفه
التاريخ من زمان قال كلمته

انها اول بداية قصته
لما حكانا قصته
مش هيكذب التاريخ
الى شاهد عالغزاه
من كل صنف وكل لون
وافتحوا اول مجلد فى التاريخ
راح تعرفوا
هي ليه مستهدفه
مصريه مستهدفه
اه عليكى اه يا مصر اه يا امى
يا الى من حزننى عليكى
ماشى فى الدنيا بغنى
بهذى مره ومره تانيه

يرجع العقل يلومنى

انتبه وارفع الراس

للسما انت مصرى

ليه بتنسى الاوسمه

الى فى القران ذكرها ربنا

ان مصر امنه مستأمنه

وان فيها خير اجناد ربنا

مش عرفت هى ليه مستهدفه

والحضاره والعلوم والمعرفه

يلا اصرخ قول يا بلدى

الى طمعان يحكمك مستهدفك

والى طمعان يسرقك مستنزفك

والى جاحد فى هواكى

ما يعرفك عمره يوم ما يشرفك

يلا نصرخ كلنا من قلبنا

مش كلام بنردده يرجع لنا

يلا نرفع روحنا

فوق على كفنا

نعلن الحرب الجريئة

ع النفوس المظلمة الظالمة

نعلن العهد لـبلدنا

وانتماءنا وحبنا

وانها هي البدايه والنهائيه

والى باقى فى عمرنا

من عمرنا يا مصرنا

صغيره

او عوا تقولوا عليا صغيره
او حتى كلماتي كبيره
عن سني او اكبر مني
انا فتحت عينا لقيت
قلمي بيرسم شمس وبيت
ويكتب كل الحواديت
ويكون منهم اسطوره
او عوا تقولوا عليا صغيره
لما اثور لمعاني كبيره
زي الصدق والاحساس
والطيبه مع كل الناس
ومبادئ مليانه بطوله

بتروح يوم ورايوم م القسوه
وبتبقى معانى مبتوره
او عوا تقولوا عليا صغيره
لما اشوف احلامى ضئيله
لحلم صبيه فى فلسطين
احلامها لبره مقتوله
افراحها دايمه مبتوره
شايفه سماها غيمه ثقيله
او عوا تقولوا عليا صغيره
لما تلاقوا عمرى الان
اصبح فوق الخمسين عام
داخل قلبى وهن وكهوله
اسكت يعنى....ما اتكلمشى
لما ما اعيشى صبا وطفوله
او عوا تقولوا عليا صغيره

عشان انتى اجمل

حقيقة فى حياتى

عشان انتى اول

معلم لذاتى

عشانك يا امى

يا صوتى وسكاتى

بحبك وحبك فى ذاته عباده

لانه يا امى بداية السعاده

لانه العزيمة ومعنى الاراده

بيجعلنى اقوى لو الريح زياده

ويجعلنى اهدى ارد بهواده

ويجعلنى املك زمام النواصى

وسامحينى لو مرة

شفتينى قاسى

وسامحينى لو مرة

شفتينى عاصى

بتوب بين اديكى فهل تقبلينى

رجلك بروحى وقلبى وحنينى

يا مصر يا اجمل حقيقة فى عينى

لسه بحاول أدارى الطيبه

لسه بحاول ادارى الطيبه
اصل الطيبه فى زمنك عيبه
واصل الطيب لقمه طريه
يمضغها اضغف مخلوق
واصل الطيب ريشه هفيفه
فى قلب الريح ما تلاقى خروج
لسه بحاول ادارى الطيبه
واكون انا ظالم مش مظلوم
اكون انا حاكم مش محكوم
اكون الاقوى مش المهزوم
لسه بحاول ادارى الطيبه

عشان ما ابقاش فى الدنيا غريب
عشان ما استعذبش التعذيب
واعيش على هامش مش مكتوب
لسه بحاول ادارى الطيبه
واخطف حلمى من الايام
واسرق املى من المكتوب
لسه بحاول بس راح اقدر
ادوس على قلبى ما يتألمش
لو شاف طفل فى يوم محروم
لو شاف دمعه فى عين مظلوم
لو شاف صوت انسان مكتوم

..ما يتكلمش

لسه بحاول ادارى

الطيبه الغالبه عليا

ويا الصدق وحسن النيه

وكل مبادئي اديها لمين
مين راح يقدر يبقى بدالى
وانا بعديها اكون انا مين
انا مش هقدر اكون غير نفسى
حتى لآخر شهقه فى نفسى
بس هحاول أدارى الطيبه

ثورة إيه....

هيه فين الثورة ديا
الى قالوا مستمره ولسه حيه
مش هكذبكم ولكن
مين هيحكم فى القضية
القضية يالى ناسيين القضية
واتجهتوا للجدال
والصدام والمحسوبية
كل واحد ريشه نافش
ماشى رايح فى اتجاهه
ناسى باقى المليونية
من زمان لما درسنا فى المدارس

اتجاهات اربعة للدنيا ديا
بس جايين النهارده يقولوا لأه
ده اتجاهاتنا يا شعب تعدى ميه
او تزيد عنها شويه
مش هجادلكم ولكن

مين هيحكم فى القضية
القضية هى انسان

ماتت كرامته جوه وطنه
مش بيلقى الا تهيمشه وصمته
اصل ضعفه ده الى حيلته
لا وراه ضهر يقوى

من فلوس ولا حتى سلطة
ماشى وحده جوه درب المظلومين

درب كله اكوام زباله

جنب شارع اسمه

اطفال الشوارع

جنب حاره للبطاله

جوه زنقه تحت جدرانها

مياه الصرف ناقعه

والمبانى الى فيها واقعة واقعة

بس مستنيه شهقه

جنب قضبان قطر خايف

لسه مش عارف

هيمشى ولا واقف

بس فتحولوا اشاره مهمله

داس ملايكه شايله

فى ايدھا المصاحف
انتوا واصللكوا الحكاية
من بدايتها وحتى للنهايه
مين هيكتب اسمه
فى سرد القضية
مين هيشهد بس بالحق معايا

بشويش بقى

تعبنا من كتر الشقا
لما اترميناه الرصيف
جنب الحوارى الضيقة
فرشنا حسرة قلبنا
وكتمنا صرخة دمنا
علشان ننام لحظة بقى
بس العذاب مكتوب لنا
والنوم حرام يهنا لنا
لما سمعنا كلام كثير
بيقولوا ناس مش زينا
لابسين هدوم متهدمين
رافعين يفت بتهمنا

مكتوب عليها اسمنا
هو الفقير.. علشان فقير
قمنا نفضنا همنا
لما انتبهنا لاسمنا
وجرينا رحنا عندهم
كان الأمل على وشهم
وقالوا ثورة.. وقلنا ثورة
وفرحنا فرحة عمرنا
هنعيش كرام على أرضنا
عدينا كل الممكنات
وحلمنا كل الأمنيات
ومشيننا نهتف كلنا
عايزين عدالة لمصرنا
وقع شهيد من عندنا

قلنا ضريبة نصرنا
لازم تكون من دمنا
والثورة قامت.. والثورة نامت
ورجعنا نندب حظنا
ومشينا تانى ع الرصيف
جنب الحوارى الضيقة
لا فيه عمل ولا فيه أمل
بس الغضب مالى العيون
مالى القلوب والأمكنة
ممکن ننام حبه بقى
بشويش بقى

شهداء الواجب

يا بنات الحور سموا عليهم
دول شهداء والنور في عنيتهم
والشهد الابيض حوطهم
والورد بيترش عليهم
25 مليون دمعته

م الفرحة بترقص مش سامعه
تغريد الطير من حواليتهم
يا بنات الحور رفرقوا يالا
خلوا الانوار تملئ الدنيا
ارواح طاهره ف السما طيره
الجنه بتتشوق ليهم
يا بنات الحور سموا وصلوا

شهدا الواجب يعلنوا ويعلنوا
وانتوا بتتسابقوا على قلوبهم
من منكم تبقى فى صحبتهم
وتنول البشرى على اديهم
ويا مصرولادك عشقيناك
مشروع شهدا لدمعه فى عينك
لو عاشوا هيعيشوا لنصرك
لوماتوا هيموتوا عشانك

مصر ابتسمت

مصر ابتسمت قامت

رسمت نهر النيل

والاهرام والسد العالى

وقناه بتربط بين بحرين

يعنى خريطة خير

وحضارة وبشرة جيل

عايز يبني بكرة بكده

مش بكلام بس وتعبير

مصر ابتسمت قامت

رسمت جيش جبار

بهر العالم يوم ما اتحدى

وعدا النار
انت يا مصرى عظيم من يومك
يوم ما بتوصل للاصرار
مصر ابتسمت قامت
رسمت وطنى العربى
راجع تانى يللم نفسه
جوه خريطة وطنه القومى
ويقول هات ايدك
مع ايدى علشان نبنى
جانا الوقت عشان نتجمع
تحت رايات الوطن العربى
مصر ابتسمت قامت
رسمت قائد ثورى
يقدر يحمى وكمان

يبنى ويكون مصرى
بعد الثورة
قال للشعب كلامك امر
انت الثورة
وانت الشرعية الى هتمشى
لو ميت ريس
انت رفضتوا ثور ماتخفش
والجيش ظهرك
يحمى قراارك ما يضر كشى
يحمى بروحه ودمه
وجهده شعبه المصرى
علشان كده مصر فى عيوننا
وتعيش بلدى
وتعيش بلدى

عادى جدا انى ابكى
 لما اشوف امى بتبك
 لما تتألم وتتشكى
 من الهم جـواهـا زاد
 عادى انى ابقى ثاير
 لما اشعر انى عاجـز
 انى مش قادر اصونهـا
 من خيانه او فسـاد
 عادى انى اموت عشانهـا
 وابقى دمة جوه عينهـا
 بس شمس بكره تطلـع
 بالامانى والامـان

ويا بسمۃ الب_____لاد
ويا ضحكة ال_____ولاد
عادى انى اكون شهيد_____د
والشهادة بالف عي_____د
ايوه مش ميت اكي_____د
ايوه مش عايش اكي_____د
بس شايف بكره اجم_____ل
واسألو قلب الشهيد_____د
واسألو ام الشهيد_____د

انت مرشح نفسك ليه ؟

انت مرشح نفسك ليه ؟
عاوز تبقى سيادة النائب
ولا يقولوا سعادة البيه
انت مرشح نفسك ليه
انت صحيح عارف مطالبنا؟
عايش مشاكلنا ومتاعبنا؟
من صرف وبطاله وميه
وزباله اكوام مرميه
وتسرب تعليمى وجهل
وسلبيه وبطجه مخفيه
نشكى لمين ونقولك ايه
انت مرشح نفسك ليه ؟

شايـف نفـسك هـتـكون فـارس
زى صـلاح الدين فى زمانه
تـحمى فقـير وتـصون مسـكين
تـمسح دـمعة حد حـزين
تـبقى ابـونا واخـونا وجارنا
تـبقى فى وقـت الصـعب ملائنا
الى هـنجرى ونـتحاما فيه
انت مرشـح نفـسك ليه
مش حاجـه سـهله تـكون مسـئول
وتـكون نـائب للنـاس دول
ده انت امام الله الراعى
واحنـا رعيـه جـوا عنيـك
مش هـتـغمض عينيـك عـنا
ولو غـمضت هـيـحصل ايه
انت مرشـح نفـسك ليه

لازم تبقى فى قوة مارد
علشان تحمى حقوق الناس
لازم يبقى الصدق سلاحك
وضميرك فى الدرب اساس
مش بالمال والجاه هتحقق
بعملك بس وحب الناس
هوه اجابتك لو هتجاوب
وتقول ايه ونقولك ايه
انت مرشح نفسك ليه
قول علشان الله والناس
مش علشان باشا ولا بيه

شكرا لكم

اوعى تنسى يا زمان

تشكر الاخوان كمان

بالنيابه عننا

وحدونا جمعونا

خلوا معدنا بيان وأصلنا

بعد تشويه المعاني

والمبادئ والكلام

رجعونا لبعضنا

كنا فاكرين اننا نسينا الوطن

واتلهينا في يأسنا
كنا فاكرين الظلام والظلم قاهر

راح يدوس على حلمنا
كنا فاكرين الجماعه

مش مباعه لكل دوله لكرهنا
كانوا بيهاجموا قلوبنا نور عقولنا
والجماعه مجهزه الف حبل تجرنا
بس كبر الاغبيا كان نجاه من ربنا
لما بانوا بغدرهم انتقامهم ذلهم
وانتهاكهم للمحارم

والكنائس والجوامع
وحد الدمع الي ادمي قلبنا
لما سال دم الغلابه

والجنود السهرانيين
علي توب بلدنا فضمنا
او عوا تنسوا تشكروا

الاخوان كمان
باسم شهدا ارضنا
ربهم خلي جزائهم الشهاده
والي ماتوا م الجماعة صبحوا عار
علي دين سماحته معلنه
ايوه عار علي دين سماحته معلنه

ارفع صوابك الاربعه

ارفع صوابك الاربعه
ارفع صوابك كلها
وامشي كمان علي اربعه
هتراجعوا رابعه بها
رابعه بريئه منكم
روحوا اسالوها تقولكم
الحق ده مش حقكم
الحق حق ربنا
مش اربعه ولا اخونه
مش راح تغير م الى كان
الأمه قالت وانتهت

بدأت خلاص نقطة نظام

فلا اربعه ولا اربعين

ولا ربعميت الف كمان

هيرجعوا مصر لورا

احنا اتجاهنا للامام

ارفع صوابك الف عام

بدأت خلاص نقطة نظام

آه يا زمن

ماشي معاك يا زمن راضي مبتكلمش
تهزمني كل المحن اقوم واكمل مشي
صابر علي دنيتي وعمر ليها ماغش
مستني يرضي الزمن يقلب معايا الوش
اصلوا مكشر اوي ولسه متبسمش

المخطط

عدوان ثلاثي من تاني
امريكي صهيواخواني
يعني المخطط استعمار
والخونه جهزوا اكفاني
وفكروا ان سقوطي قريب
وانهم نخروا كياني
بس ببساطه يا جماعه
المولي وطدلي مكاني
وجعلني امنه ليوم الدين
في سنتي وف قرآني
ومهما ترفعوا صوابكم

الاربعه المائتوخواني
الخزي هو اخرتكم
والنار مصيركوا الاخراني

أستغفر الله العظيم

بيقولوا ان الاخونه جعلوها دين

المرشد الرب المعظم والرسول

مرسي العظيم

استغفر الله العظيم

لما يكون كتاب الله

في يد ظلمه مجرمين

بيفسروه علي ادهم

والي يعارض يتنفي ع الجاهلين

والدين برئ من فكرهم

قرأنا ضد جهلهم

وتشدد العقل الجهم

استغفر الله العظيم
المجرمين قتلوا الجنود
وقالوا هما المقتولين
المجرمين حرقوا البيوت
وقالوا احنا المحروقين
المجرمين خربوا البلد
وقالوا احنا مصلحين
المجرمين باعوا الوطن
وقالوا احنا مصلحين
استغفر الله العظيم.....
استغفر الله العظيم

فيس بوك

قاعدين ع الفيس
نازليين تعبيس
وسواد ورسااص
وكلام تنغيص
بيهاجموا ف ده
ويعاندوا ف ده
طالعين تشليت
نازليين ترفيس
عايزين الدنيا
علي مزاجهم
ومزاجهم تشخيص الكوابيس

تصبح افلام وحوار وكلام
كذب ومتهندس من ابليس

والله كافر

كافر وعامل انه صاحب دين
كذاب منافق وف جداله ذميم
عمال بيقرض دعوته بالنار
والنار بتاكل كل وغد لنيم
هو في اديان الوجود كافر
الي بيرهب بشر ويهدم المفاهيم

وشه منور

وشه منور كفه منور
دربه يا ناس الماظ علي مرمر
كل الكون فرحان علشانو
بيزفه لجنان الكوثر
الله اكبر الله اكبر
حتي سحاب السما بيمطر
بيرش علي شهيدنا نداه
برد سلام مع زهر معطر
ابكي يا عين م الفرحة وداري
شهدا الواجب في مكان اكبر
عند اله الكون العادل
الي يكون في طريقه ما يخسر

والله العرب راجعين

والله العرب راجعين

والرجعه ضوايه

يالى انتوا منتظرين

راح نرفع الرايه

ونصد اوهامكوا

وطمعكوا ده حكايه

لما وقوعنا يكون

القصد والغايه

فاستنوا بس نقوم

من كبوه ردائه
بس العرب راجعين
والرجعه ضوايه
كنا الاوائل يوم
كنا حضاره الكون
كنا زعامه الامم
وعزيمه ما بتهون
راجعين ورب الكون
يخترلنا بدايه
علشان رجوعنا
يكون يا دنيا نسايه
اصل العرب راجعين

والرجعه ضوايه
يا مصر يا سوريا
يا قدس يا لبنان
يا ليبيا يا جزائر
يا قبله الاسلام
يا كويت ويا بحرين
يا ابو ظبى يا سودان
يا صومال يا جيبوتى
يا عراق ويا عمان
يا تونس الخضرا
يا مغرب الفرسان
يا كل ارض العرب
صوت الوطن رنان
يلا ارجعوا وارووا
قلب الوطن عطشان

واللمه غنوايه
ايوه العرب راجعين
والرجعه ضوايه

قلب الحجر

وسالت قلب الحجر
ليه انت صلب ليه
وليه قساوتك كده
مثل بنضرب بيه
قالي اسكتي والنبي
بتفكريني ليه
قسوة ولاد البشر
فاقت صلابة الحجر
صبحت كومانده عليه

المشئقه

فوقوا بقى

بتنصبوا ف المشئقه
وبتخنقوا قلب الوطن

من غير ضمير

ولا رقرقه

وتقولوا حرية قلم

وكرامه زائفه مبهوره

فوقوا بقوا واتعلموا

وكفايه فيها بتهدموا
هو احنا نقصينكم كمان
ما كفايه اخوان الشيطان
وكفايه زعزعه في الكيان
وكفايه دعم الاحتقان
ونكون سواد جوه الرئه
مصر اهم من الجميع
مش راح تطاطي عشان فنه
فوقوا بقى
فوقوا بقى

صرخة

الرفس والتشليت

يهدم حيطان البيت

يالي انت مش داري

قلب الوطن مقهور

يالي تعيش الدور

هترفضوا بدالي

وتعرفوا المعني

لما نكون لمة

اصل الوطن غالي

واسال رسول الله

هتلاقي اجوبتك

لسؤالك التالى

صوت الحق

وعلمتك يا صمت تقول
وتصرخ لو لقيت الظلم
وتخرج من ظلام الخوف
وتطلع فوق نهار الحلم
تكون فارس بقلب جسور
تصد الشر مهما يعم
ده صوت الحق عالي جهور
صداه يقهر حدود الظلم

التار

جهزين عشائك نلبس الكاكي
ونكون جنود في جيشك البتار
يا مصر مالينا حضن الاكي
رافعين قلوبنا سيوف عشان التار
جراثيم جبوها من هناك بالليل
حقنوها ف عقول جهلها اغوار
صبحوا وحوش بوشوش
ماليتها العار
قالو ليهم دي مصر هدوها
لو هدتوها العرب تنهار
تتفتت الارض ونملك امرها
ونوزع التركه علي السمار
هيئات ولكن تعرفوا سرها

رباني هو في شعبها المغوار
لو بس يشعر انها في الخطر
بيهب مارد يقهر الاخطار
فلا تحلموا تتنفسو ف جوها
ولا تمشوا حتي علي تراب ارضها
اجسادنا رسما حدودها بخطوط نار
فيا كل خاين خسيس قبيح الفكر
المعجزه حبنا
وسرنا الالهي
موتوا بقي بحقدكم
واتمرغوا في النار

أجواء العداوة

ليه فى قلوب اتحجرت
صبحت كما الصوان قساوه
ليه فيه عقول اتحولت
من الزكاوه للغباه
رافضه وجودها كما هيا
محتاجه اجواء العداوه

تيوس

فيه ناس معاها فلوس
لكن عقولها فشوش
لا ليها مبدا ولا
تعرف اصول للعيش
سابقه غشامه وغبا
وع الضعيف بتدوس
كيانها حبة ورق
من بنكنوت منحوس
ولو هتعرفهم وتحب توصفهم
هتقول علي حالهم
تيوس معاها فلوس
وهعيدها انا تاني
تيوس معاها فلوس

قلب الودع

وشوشت قلب الودع

عشان يرسيني

علي بر غير الوجع

يمكن تشوف عيني

شئ انكتب ف القدر

علي شط يحميني

لكن سمعت الودع

يبكي علي حاله

بيقول خديني لأقرب

بحر وارميني

أكتوبر

هل يا اكتوبر علينا من جديد
فكرنا بسنين الكفاح
لما اتسرق منا الامل والعزم راح
النكسه كانت انكسار--- كانت جراح
كل القلوب نزلت الم ---- وبكت نواح
اه يا وطن فين الطريق
لازم بذور تطرح جنود تصنع نجاح
وتعود لنا بشموخ اكيد
هل يا اكتوبر علينا من جديد
رجعلنا روح الفدا ف عيون شهيد
يوم ما عبرنا القناه
واتحطمت اسطوره القهر الغنيد

بارليف حصين -- قالوا حصين
والجيش صنع المعجزه -- متجسده
وشمه علي جبين الشهيد
هل يا اكتوبر علينا من جديد
بعد الي كان من ثورتين
قلنا الوطن رايح لفين
كل العيون رصداه هناك
ومخططين----- مين يسرقه
والقسمه راح تبدا منين
في الشرق فرس
وفي الشمال ذنب لنيم
وهناك ثعالب امريكان
وهنا صهاينه مجرمين
لكنهم ما يعرفوا

ان في روحك الخلاص
يا طرح ماس -- وامل وليد
افتح اديك وضمنا--يا ملحمه
بنحبها وبتحبنا --- اكتوبر الفجر الجديد
اكتوبر الفجر الجديد

الست المصرية

يا سلام ع الست المصريه
والله ب100 راجل هي
بتشيل احوال ما تشيلها جبال
وتربي ولادها برويه
يا سلام ع الست المصريه
يخدوها وزير تموين تقدر
وتحل الازمه القوميه
يخدوها سفير علاقات تقدر
تقنع الامم الدوليه
يا سلام ع الست المصريه
لما بلدها تحتاج صوتها
في بداية الصف تكوت جيه
رافعه شعار الاول بلدي

علشان ولدي وسنين جيه
يا سلام ع الست المصريه
امي - اختي - خالتي - ستي
زوجتي وبنتي وعمتي هي
في قصص وكفاح بتحكي نجاح
من بعد الم ووجع وجراح
تلقاها صلبه وقويه
يا سلام ع الست المصريه
اجمل ست في كل الدنيا

يا همها

يا همها

لما الاله بجلاله

يتجلى على ارضها

لما الرسل والانبياء

يمشوا فى رحابها

ويستظلوا بظلها

لما حضارة الكون تكون

وتتبنى على يمها

قولى بقا يا ابنها

تعرف قيمتها وقدرها

لو كنت فعلا تعرفه

راح تنكسف

تخجل دموعك من البكاء

وانت بايعها من الفؤاد

وانت تاركها للبعد

وشاري دايمها همها

يا همها

وجهة نظر

وسأله ايه مهنتك قاله أنا شاعر

ضحك وكركر قوي

لكن سكت فجأه وقاله مش فاهم

الشعر مهنة ياعم ؟؟ .. متجيبلي من الآخر

قالو مهني شغلتي

اصنع الكلمات

أبكي وأضحك

وكمان اكون ساخر

قلمي عنيد لو غضب

ولو انجرح جاسر
ولو رضي يدهشك
يصبح نسيمه عليل
وربيع بلون زاهر
فاوعاك بقا تندهش
من مهنة الشعراء
انا مهنتى شاعر...
فهمت قصدي يا صاحبي
انا جيت من الاخر.....

وحوش

وحوش غيلان بدون عقول

متبرمجين بريموت مغول

خنازير بلا ملة ودين

حثة الشر اللعين

على فين تعالوا من هنا

مستينكوا كلنا

اسودنا جيشنا فى ضهرنا

ناصبينلكوا..... المصيدة

والمصيدة متقصدة

هيتفرم فيها الخسيس
واللي يفكر فى الوطن بنظر رخيص

هنعيش برغم مكرهم

هنحب بعض بكرهم

وهنلتحم سد منيع

قوم أذن الفجر وفرح الجميع

الكل فى صلاة الجماعة على الشهيد

بيدعى انه يموت شهيد

لكن يعيش بس الوطن

يحيا الوطن

يحيا الوطن

يحيا الشهيد

إخرس

إخرس ولجم فوق لسانك 100 حجر

يا اللى فى كذبك كل أوزار البشر

عمال تقول انقلاب والعسكر العسكر

ماشوفتش الملايين وهى بتكبر و

تلعن الاخوان ويوم ما شفناهم

لما جابونا ورا 200 سنه واكثر

دينا سماحه وسلام

وحب متأصل

مش دعوه للتفرقه

علشان فلان يوصل

هو الفقير اللي نادى انكوا تمشوا

مالقاش يأكل عياله وانتوا بتغشوا

وتقولو أصل النظام مالقاش ولا فرصه

علشان يأكلوا ولا يعيشوا

ما هي حجة البلدا معروفه من بدرى

وكفايه تتمتعوا وتملوا فى كروشكوا

وظلمتوا الباقيين ضلितوا بعقولهم

بتلعبوا بالدين وتزودوا شكوكهم

وبطية السانجين مصدقين قولكوا

وانكوا مظالم والكل هالينكم

لكن قناعكم كل حبه بينسحب

من فوق وجوه مجرمه

عطوا للعدو وشوشهم

وعدوا الجميع بالذهب

وحته من التورته

ولما يتمكنوا هيوزعوا التركة

ويحولوها خلافة ليها 100 سلطان

تركى على فارسى على أمريكانى كمان

المصرى أصله ذكى والشعب مش خيبان

شال قبل منكم نظام

من كام وتلاتين عام

وحطكوا برغبته فى كفة الميزان
واما ميزانكم قلت وزود الأكفان
والدمع سال م العيون والدم عالقضبان
ومصر لابسه السواد والحزن فى الأركان
وكأن رب العباد علينا كان غضبان
شقيننا جوف الليل وربنا عنا
وروحنا من التحرير حررنا أحررنا
وندهنا يا جيش مصر يا قاهر الهكسوس
الشعب قال كلمته
وهذا اقرارنا
والشعب أمر الجيش

وجیشنا جه نصرنا

الله أكبر یا جیشنا

ویا اُغلی ثوارنا

* * * *

للدين رب يحميه

الاسلام مش محتاج حد عشان يحميه

الاسلام هو اللى بيحمى كل الناس المؤمنه بيه

أو حتى مش مؤمنه بيه

فاوعوا تقولوا حزب سياسى

على أساس دين

ده نفاق ناس طمعانه ف سُلْطَه بشكل مهين

مش لاقيه سلاح غير الدين تتسلح بيه

الغلطه مش راح تتكرر

والأحزاب لازم تتطهر

من اصوات غاويه التشويه

اصحى يا شعب قوم يا فقير

ارفض اسلوب التحذير

واوعى تصدق وعد الجنه ووعد النار

ربنا عالم مين بيطيعه ومين يعصيه

بالتقوى والعمل الصالح والاخلاص

هو ده زادك اللى هتلقى ربك بيه

مش بوشوش مليانه قساوه

فاكره الدين تكدير وغباه

وردود ناشفه ما فيها طراوه

فارجع تانى لدينك شوفه

تلقى أصوله وسط حروفه

تلقى البشر فى وشك نور

لما تقول الله وتكبر

حب الناس هيعينك أكثر

ويخليك مسلم متحضر

ترقى بدينك وتليق بيه

الاسلام مش محتاج حد عشان يحميه

التعريف بالشاعرة

الاسم / هناء ابراهيم سيد أحمد حواس

حاصله على عدة تكريمات من اتحاد المبدعين العرب

واتحاد الكتاب المصرى فى مهرجان العاميه (جلابية مصر)

وشهادات تقدير من بعض المجلات الالكترونيه

العنوان / محافظة الغربيه – طنطا – قرية محلة روح

تليفون / 01066163185

01123650602

محتوى الكتاب

م	المحتوى	صفحة
1	بطاقة الكتاب	2
2	الإهداء	3
3	مهلبية محمود سعد	4
4	حلمنتيشي	10
5	يا مصر قومي وافردى طولك	13
6	من أم شهيد الي ام ارهابي عنيد	16
7	توبك بلون النهار	19
8	مصر ليه مستهدفه	21
9	صغيره	26
10	امي	28
11	لسه بحاول أداري الطيبة	30
12	ثورة إيه ...	33

37	بشويش بقى	13
40	شهداء الواجب	14
42	مصر اتبسمت	15
45	فضفضة شهيد	16
47	انت مرشح نفسك ليه	17
50	شكرا لكم	18
53	إرفع صوابك الاربعة	19
55	أه يا زمن	20
56	المخطط	21
58	استغفر الله العظيم	22
60	فيس بوك	23
60	والله كافر	24
63	وشه منور	25
64	والله العرب راجعين	26
68	قلب الحجر	27

69	المشقة	28
71	صرخة	29
72	صوت الحق	
73	التار	
75	أجواء العداوة	
76	تيوس	
77	قلب الودع	
78	أكتوبر	
81	الست المصرية	
83	يا همها	
85	وجهة نظر	
87	وحوش	
89	إخرس	
94	للدين رب يحميه	
97	التعريف بالشاعرة	

